

Sidney Ponson: "Ningun momento mi no a bisa cu lo mi no bolbe Aruba mas"

ORANJESTAD (AAN): — "Ta Rubiano mi ta", esey tabata palabranan di Sidney Ponson durante un entrevista cu DIARIO ayera, apenas un dia prome cu Corte a trata e caso penal contra dje pa agresion den publico y maltrato.

Segun Ponson, cu a afirma di lo regresa Aruba un dia pa biba: "Mi no ta bay cambia. Bo por saca un burico for di mondi, pero ainda e no ta hende!".

E astro tabata kier a particularmente coregi palabranan poni den su boca pa un periodista Mericano tempo el a bolbe Merca na Januari, net despues di tabata deteni pa e atake na Arashi. Apenas Aruba a bin bij di e episodio ey, cu atrobe comunidad tabata riba su cabez pa e noticia cu Ponson

lo a declara na un corant na Merca cu e no tin pensa di regresa su pais natal hama. Den e entrevista di ayera, Ponson a asegura cu ningun momento e no a expresa su mes di tal manera.

El a splica: "Loke mi a bisa ta cu lo mi bin Aruba, pero cu lo mi pasa menos tempo aki cu den pasado. Mi tin un cas aki, mi mama y mi ruman muher y henter mi famia ta aki, asina ta cu mi lo sigui bin Aruba. E periodista a

malinterpreta mi y a skirbi den corant cu mi a bisa cu mi no lo no bolbe Aruba nunca mas. Esey ta un cos cu mi no a bisa at all. Mi kier pa pueblo sa cu loke nan a skirbi na Merca no ta berdad".

Riba e pregunta ki interes e corant Mericano lo tabatin pa malinterprete, Ponson a reacciona: "Mi no sa. Mi a papia cu e guy cu a skirbi e articulo y el a bisa mi cu el a skirbi un cos, ma cu na

oficina nan a cambie. El a pidi mi sorry, pero ja, e cos a sali caba. E corant no ta bay trek in nan palabranan y skirbi pa su mañan cu no ta asina Sidney a bisa".

El a indica cu su abogado y representantenan halto di su ekipo a yama e corant: "Hasta nos director di relacionnan publico a yame y bise cu e mes tabata para acerca y cu nunca Sidney a bisa cu e no ta bay Aruba mas. E cos ta cu pueblo di

Aruba, mi no sa precies con nan a tume, pero despues di loke mi a haci y cu mi a bisa cu mi ta sorry, a bin esey".

Ponson a insisti cu e ta lamenta loke a pasa na Arashi: "Mi ta regret. Mi a bisa esey publicamente y awe mi ta aki y mañan mi ta bay dilanti Huez. Mi a pidi disculpa mil y un biaha y ja, mi no por haci nada mas. Mi no por deshaci loke a pasa, pero sigur ta cu e lo no sucede nunca mas".

Fumigacion na Corte di Husticia

ORANJESTAD (AAN): — Relaciona cu e trabao di spuitmento, Corte di Husticia di Aruba lo ta habri diabierna 4 di maart 2005 di 7.30'or di mainta te cu 12'or di merdia. Parti merdia Corte lo ta cera.

Fumigacion ta worde aplica pa elimina tur insecto.

BEST DEAL
Tel: 5827100
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

Relax

8 in 1 Relax
Afl. 99,=

Caso di suicidio na Morgenster

ORANJESTAD (AAN): Diarazon mainta a tuma lugar un caso lamentable, unda un homber a dicidi di poni fin na su bida.

Den mayoria di caso depresion ta un di motibonan principal, na dado momento

e persona en cuestion no por wanta mas y ta dicidi di comete su acto. E caso lamentable a tuma lugar na Morgenster. Aki un famia descubri nan ser keri cu no ta duna señal mas di bida.

Autoridad a worde notifica

di e caso, entre otro Recherche y personal tecnico di Polis.

Doctor de Cuba a worde solicita na e adres, y a constata morto di e homber di inicialnan R.A.P. naci na Curaçao dia 21 di October 1955.

Fiscal mr. Karin Janssen a ordena pa confisca e curpa, mientras personal di Mementomori Funeral Home a transporta e curpa sin bida pa mortuario. Na famia di e fayecido palabranan di condolencia.



Awe t
mayor
MAR
ODOI
sunch
Angel
Claud
welo
padrin
tantan
dema
Wever
aña m

Awe a
pocah
Advis
sunchi
su po
Ericso
Madur
loco lo
corda
sigui
Charli
Chom